

Հարցաթերթ
Աշխարհագրություն առարկայի օլիմպիադա
դպրոցական փուլ – 2025-2026 ուս. տարի
(տևողությունը – 90 րոպե)
10 – րդ դասարան

Ընտրովի պատասխանով առաջադրանքներ


1. ՀՀ լճերից ո՞րը ՀՀ էներգետիկ համակարգի հետ առնչություն չունի
1. Սևանա լիճ 2. Ակնալիճը (Այդր լիճ) 3. Արփի լճի ջրամբար 4. Պարզ լիճ
2. Կուրի և Արաքսի ավազանների միջև ջրբաժան չէ՝
1. Փամբակի լ-շղթա 2. Ջավախքի լ-վահան
3. Արեգունու լ-շղթա 4. Ծաղկունյաց լ-շղթա
3. ՀՀ նշված հողատեսակներից ո՞րն ունի ազոնալ բաշխում
1. Դարչնագույն 2. Գետահովտադարավանդային
3. Սևահողային 4. Գորշ կիսաանապատային
4. Հավասարագծերից ո՞րն է բնութագրում համաշխարհային օվկիանոսի աղիությունը
1. Իզոանետոն 2. Իզոհիպս 3. Իզոհիեթ 4. Իզոհալ
5. Միևնույն բեռն ամենամեծ կշիռը կունենա՝
1. Հասարակածում 2. Հյուսիսային արևադարձում
3. Հարավային բևեռում 4. Հյուսիսային բևեռում
6. Նշված ապարներից ամենաբարձր լուծելիությունն ունի՝
1. Կրաքար 2. Գրանիտ 3. Մարմար 4. Քվարց
7. Հավասարանկյուն պրոյեկցիայով կազմված քարտեզում 25⁰ զուգահեռականը
1. Օրթոդրոմ է 2. Իզոկոլ է 3. Լոքսոդրոմ է 4. Արևակայության գիծ է
8. Ծովագնացության համար ճշգրիտ քարտեզների հեղինակն է՝
1. Պտղոմեոսը 2. Էրատոսթենեսը 3. Մերկատորը 4. Հումբոլդտը
9. Կալիֆոռնիա նահանգում տեղումների առավելագույնը թափվում է՝
1. Ամռանը 2. Աշնանը 3. Ձմռանը 4. Գարնանը
10. Աքվակուլտուրայի ծավալներով աշխարհում առաջատարն է՝
1. Արևելյան Ասիան 2. Հարավային Ասիան
3. Լատինական Ամերիկան 4. Աֆրիկան
11. Ընտրել երկիր, որտեղ կամ հզոր երկրաշարժերի կամ հրաբուխների հզոր ժայթքումների հավանականությունը ցածր է
1. Ինդոնեզիա 2. Նեպալ 3. ԱՄՆ 4. Իտալիա
12. Երկրագնդի կրած փոփոխությունների վերաբերյալ պնդումներից ճիշտ է՝
1. Օրվա տևողությունը վերջին 300մլն տարում երկարում է
2. Արևից հեռավորությունը մշտապես աճում է
3. Խտությունը վերջին 300մլն տարում շարունակաբար փոքրանում է
4. Մոլորակի ներքին ջերմությունը շարունակաբար աճում է
13. Մետաղածուլության ո՞ր ճյուղն է Հարավային Կորեայում և Ճապոնիայում տեղաբաշխվում նավահանգիստներում
1. Պղնձածուլություն 2. Ալյումինածուլություն
3. Պողպատածուլություն 4. Ոսկու ձուլում

14. Երկրագնդի հողածածկույթի գլոբալ փոփոխությունների գլխավոր պատճառն է՝

1. Գյուղատնտեսությունը
2. Ուրբանիզացիան
3. Օվկիանոսի մակարդակի բարձրացումը
4. Հանքարդյունաբերությունը

15. Դիտարկելով տարածաշրջանների Էլեկտրաէներգիայի արտադրության կառուցվածքում վերականգնվող էներգետիկայի բաժինը՝ նշեք որ տարածաշրջանն է համապատասխանում 1 թվին

1. Եվրոպա
2. Հյուսիսային Ամերիկա
3. Լատինական Ամերիկա
4. Ասիա



Կարճ պատասխանով առաջադրանքներ

16. Տեղագրական քարտեզում Ա և Բ կետերի միջև ուղղության անկյունը 59° է, իսկ մագնիսական միջօրեականը կիլոմետրային ցանցի հյուսիսային ուղղության նկատմամբ ունի արևմտյան խտտորում՝ 2° : Որքա՞ն է մագնիսական ազիմուտի մեծությունը:

17. Ինքնաթիռը մեկնարկել է հարավային լայնության 20° զուգահեռականից և միջինը 555 կմ/ժամ արագությամբ 8 ժամ թռել է հյուսիս: Ո՞ր աստիճան զուգահեռականին է հասել ինքնաթիռը:

18. Գետի օրական հոսքը 8640000 մ^3 է: Քանի քառակուսի մետր է կենդանի կտրվածքի մակերեսը, եթե հոսքի արագությունը $0,5 \text{ մ/վրկ}$ է:

19. Ա երկիրը տարեկան արտանետում է 5 մլն տոննա ածխածին: Երկրում առկա է 49200 հա անտառ: Հավելյալ քանի հեկտար անտառ պետք է հիմնվի երկրում ամբողջ արտանետած ածխաթթու գազը չեզոքացնելու համար, եթե 1 հա անտառը կլանում է միջինում 100 տ ածխածին:

20. Որքա՞ն կլինեն արևի ճառագայթների անկման առավելագույն անկյունը Հս.լ. 40° զուգահեռականի վրա, եթե առանցքի թեքությունը հորիզոնական հարթության նկատմամբ լինի 65° :

Առարկայական հանձնաժողովի նախագահ՝

Վարդան Ասատրյան